



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Theologia Universa**

Archdekin, Richard

Dilingae, 1687

Cap. VII. De Sacramento Ordinis, ejusque materia, Forma, Conditionibus
requisitis, Privilegiis, Irregularitatibus, Impedimentis.

urn:nbn:de:hbz:466:1-38477

vicinarum partium, facta à Sacerdote: non necessariò id sit contactu immediato manus: nam peste grassante potest uti virgā oblongā Oleo tintā, quam postea comburat, *Sylvester, Chapeavill. Diana.*

III. Sunt, qui putent, unam tantum Unctionem esse de essentiā Sacramenti, adeoque in periculo pestis, & simili necessitate sufficere inungere unum tantum organum maximè obvium, vel potius caput, quod in eo sensus maxime vigeant, dicendo: Per istam sanctam Unctionem, & suam piissimam misericordiam indulget tibi Dominus quidquid deliquisti per vim, auditum, gustum, odoratum, tactum &c. Verum cum alii Doctores communiter repugnant, tunc erit (quod fudet *Layman & Diana*) eo casu unum oculum, aurem, manum, narem, & os velociter sine crucis forma ungere, dicendo unicam formam complectentem reliquas. Illud vero certius est, pedes, aut renes inungere non esse essentiāle: immo quoad renes non est decens, praesertim in feminis, & viris religiosis, ideoque in illis omittolet. *Henrig. Sa, Tol. Suar. Bellarm. hic Cap. 10. in fine.*

IV. Hoc Sacramentum tantum dandum est in mortis periculo ex morbo, vulnere, partu, vel senectute: quia hi soli sunt infirmi. Iterari potest quoties occurrit novum periculum moraliter diversum vel in eodem, vel in alio morbo: neque expectare licet, donec usū sensuum careant, vel omnino sint desperati. In dubio vero de vita, dandum erit sub conditione. *Layman, Sylvester, Suarez.*

V. Ordinarie, nisi obliter causa rationabilis, premitranda est Confessio & Communio, ob Ecclesie confuerudinem, *Bonac. &c.* Licet per se loquendo Confessio non necessario premittatur, cum ungendum disponi possit per Contritionem; per accidens tamen prærequisiti potest, v.g. si post viaticum peccasset mortaliter, & timeretur post Unctionem non futurum tempus Confessionis: Sacraenta enim magis necessaria tali casu pro securitate prius suscipi debent, *Fili. Barb. Di anap. 5. Tract. 3. Resol. 92.*

VI. Pueris rationis usū præditis sufficienter ad peccandum, eti sacram Eucharistiam nondum receperint, male negatur Extrema Unctio. Quia nonnumquam illorum salus ex robore inde ad extremam luctam acquirendo possit dependere, *Suarez, Angl. apud Layman Lib. 5. Tract. 8. Cap. 4.* Si dubitetur an puer habeat usū rationis, ungendum esse sub conditione docet *Lugo, Sanchez, Diana.*

VII. Pastor ex officio tenetur sub mortali date petentibus Extremam Unctionem, nisi obliter causa rationabilis: etiam tempore pestis, si absit periculum vita, cum enim non sit Sacramentum absolute necessarium, cum tali periculo non teneri docet *Tannerus, Diana &c.* Quod si peste infecti sine confessi, posse sine peccato omitti, absolute docent *Diana, Villalobos, Tanner, Suarez, &c. alii plurimi.*

VIII. Sacerdos aliis, si absente Parocho facile & licite possit, tenetur ex Charitate ministrare, tantum sub veniali, nisi tamen ægrotus valde indigeret, ut si esset sine omni Sacramento moriturus; Tunc enim quidam graviorem obligationem agnoscunt apud *Dianam, Layman, Lib. 5. Tract. 2. Cap. 3.*

IX. Etsi perpetuolamente non sint capates Extreme Unctionis, delirantibus tamen administrari debet, si videantur eam petituri si cogitarent, aut do-

loris signum aliquod præbeant: *Layman, Sylvester, Henriquez.* Quod maxime dicendum est de phrenes, quando aliud Sacramentum suscipere nequem, *Barbos, Diana, Part. 5. Tract. 3. Resol. 84.*

X. Muti, surdi, & cœci, debent etiam inungi prope organa sensuum quibus carent. Quia licet per illos sensus exterius peccare non potuerit, delinqüentes poterant per potentias internas illis respondentes, vel desiderium actus illiciti. *Propositus, Peñal, Naldus, Diana p. 5. Tract. 6. Resol. 11.*

XI. Nolle hoc Sacramentum suscipere, aut ab procurare, secluso contemptu, aut scandalo, aut fistis periculo, non est peccatum mortale, ut doceatur, *Layman, Tanner. &c.* Veniale tamen effidit propter negligere plerique admittunt.

C A P U T VII.

De Sacramento Ordinis.

§. I.

Materia, forma, & conditiones variae ad sacra Ordines requisite.

O Rdo est Sacramentum, quo confertur potest ad functiones sacras, præcipue ad Euchælium rite administrandam. Verum esse Sacramentum Christo institutum, ex Scriptura, Patribus, & Prædicta Ecclesia probatur supra in Controversia lib. Tom. I. Part. I. Cap. ultimo.

I. Prima Tonsura non est Ordo, sed tantum dispositio ad Ordines suscipiendos, per quam reddimus capax Privilegiorum Clericalium.

II. Septem autem numerantur Ordines, nomen Ordo Acolyti, Lectoris, Exorcista, Ostiari, quicunque Minores; Subdiaconatus, Diaconatus, & Cerdotum, qui dicuntur Ordines majores, obstatum illis obligationem perpetua castitatis: probabilitatem est Ordinatum per gravem metum, minas, blandicias, & importunitatem. Parentum illam obligacionem non incurtere, nisi postea eam ultra ratam habuerit. *Sanchez D. 29. Azor, Coninck, Filius Barbina.*

III. Hujus Sacramenti materia remota est, certum instrumentum quod tradi solet Ordinandis: proximad ejusdem traditio & acceptio. Probabilius est istius instrumenti contactum physicum & immediatum regni ad valorem, ut una saltē manu tangatur: Excepto autem ad securitatem requiritur ut unica manu attigantur singula, verbi gratia, Calix cum patena, & hostia imposita: idque eo tempore quo forma ab Episcopo profertur: *Layman, Filicius, Bonacina, Diana p. 8. Tract. 1. Resol. 40.* Additur huic alia forma cum impositione manuum Episcopi, quā confertur potestas peccata remittendi.

QVÆRIT Card. Lugo Respon. Moral. Lib. 1. Dub. 23. An Sacerdos qui non tergit Calicem & patenam dum forma proferebatur, sed immediate post, debet at vel possit iterum sub conditione ordinari? Et rebatur, dictum Sacerdotem posse in prima Ordinatione aquiescere: non peccaturum tam si ad maiorem animi sui quietem iterum sub conditione ordinetur, quod etiam Episcopus licite poterit in ejus gratiam praefert. Quia quamvis probabile sit isto casu nullam esse obligationem iterandi, probabile tamen videatur, falso per principia extrinseca, posse iterum sub condicione

ne ordinari, propter Auctores aliquos antiquiores qui prime Ordinationis valorem negarunt.

IV. Episcopus extra suam Diocesim potest subdivisus conferre primam Tonfuram: quia haec non est Ordo. *Bonacina, Diana, &c. alii.*

V. Quanda dubium occurrit, an Ordo sit vere collatus, v. g. quia materia fuit dubia, iterari potest & debet sub conditione. Quando vero sunt rationes utrumque probabiles pro nullitate, & validitate, ait *Diana Par. 5. Tract. 3. Refol. 47. ex Gran.* posse iterari sub conditione, imo debere, si sit Ordo Episcopalis vel Sacerdotalis, v. g. si Sacerdos vel Episcopus non teigisset vasa sacra, aut illud instrumentum in cuius porrectione imprimitur character. Excipi tamen Sacerdotem qui immediate tetigit patenam, sed non hostiam. Recl. autem nota *Diana*, etiam si quis timeat ne invalide ordinatus sit, aut non recordetur se tetigisse vasa sacra, aut non tetigisse imaginetur, non illico iterandum esse Ordinem; cum sola oblitio vel timor non sufficiat ad prudens vel rationabile dubium.

VI. Qui in una Diocesi est natus, in altera haber Domicilium, in tercia Beneficium, à quovis trium sutorum Episcoporum potest Ordines, vel Dimissorias accipere, uti docet *Propositus*, q. 1. d. 14. *Layman Lib. 5. Tract. 9. Cap. 9. Diana Part. 8. Tract. 2. Refol. 8. & 9.* ubi cum *Averfa & alii 3. contra Barbosam*, dicit, eti ab uno eorum acceperit Ordinem unum, posse alterum ab alio accipere.

VII. Studioi qui in Universitate habitant (etiam ultra decennium) animo redeundi in Patriam, non contrahunt ibi domicilium, atque adeo ab ejus loci Episcopo ordinari non possunt.

VIII. Ut Ordinatio sit præcisè *Valida*, sufficere potest ut sit *Mas*, qui ordinatur, & fuerit baptizatus, *Thomas 3. p. 9. 34. Art. 2. aliisque.*

Hinc, Puer baptizatus, cui fuisset Ordo collatus ante ultimam rationis (quamvis illicite) vere tamen & valide esset ordinatus. Nam uti Baptismus ita Ordo & alia Sacraenta, quæ pro materia aut forma non habent actum sufficientis, sicut habet *Pænitentia* & *Matrimonium*, valide conferuntur eti ab illo sufficiente usus rationis, uti cum aliis tradit *Lessius hic Cap. 6. Dub. 2.* Qui tamen sic esset ordinatus, postquam pervenisset ad usum rationis non teneretur ad votum castitatis: quam si servare nolit suspendendus est ab Ordinum executione. In adulto ut valide ordinetur &c. consensus aliquis requiritur, quem expofuimus supra de *Sacr. in Gen. Cap. 1. §. 2. Affer. 2. & 4.*

IX. Ut autem Ordo *Licitè* & secundum Ecclesiæ jura rite accipiat, aut non incurritur censura, requiritur in recipiente præter statum gratiæ. 1. Ut non sit Neophytus, vel infamis, vel hermaphroditus, vel irregulärus, suspensus, excommunicatus. 2. Animus clericandi, *Trident. Sess. 23. c. 4.* sine quo si primam Tonfuram vel Ordines minores accipiat, videretur peccare saltem venialiter (nisi justa causa excusat) quia fraus est levis. Similiter venialis inconstituta videtur, sine justa causa, statum illum clericalem deferere. 3. Ut sit confirmatus, *Trident. Sess. 23. Cap. 4.* Et hoc obligat secundum *Bonacinam* d. 8. p. 5. num. 10. sub mortali, secundum *Sotum*, & *Con. lab. veniali*. 4. Si ab alieno Episcopo Ordines suscipiat

requiruntur litteræ Dimissoriae (etiam pro prima tonsura) Episcopi proprii, originis, five beneficii, five domicilii. *Diana, aliisque Par. 3. Tract. 4. Refol. 194.*

X. Requiritur etiam ut Ordo rite conferatur *Titulus sustentationis*, aut patrimonii, vel beneficii, vel paupertatis in Regularibus, *Trident. Sess. 21. Cap. 2.*

Ordo debitius temporis observandus est in sufficiione unius Ordinis post alium: hinc Diaconatum sufficiere Subdiaconatum mortale peccatum est: Sufficiens autem Episcopatus ante Sacerdotium invalida erit.

XI. Requiritur etiam *Tempus certum & intersticia*, sine quibus Ordines illicite conferuntur absque dispensatione, aut privilegio.

XII. Denique *Etas*, in qua ordiari Episcopus non potest dispensare, & sic pro prima Tonsura, & Minoribus requiritur saltem septennum completem: licet *Quintan. Tract. 6. Sing. 21. contra Sanchez &c.* putet sufficere inchoatum. Pro Acolytho annus 12. compleatus, *Fill. Tract. 9. Cap. 4. Num. 28.* Pro Subdiaconatu vigefimus secundus. Pro Diaconatu 23. Pro Sacerdotio 25. omnes incepti. Pro Episcopatu 30. compleatus. *Vide Bonac. d. 8. q. 1. Filiuc. Tract. 9. Cap. 4. Layman Lib. 5. Tract. 9. Cap. 6. & 7. Diana P. 3. Tract. 4. Refol. 192.* Si autem dubium sit, an quis ætatem requisitam habeat, v. g. pro Sacerdotio, an annum 25. ingressus sit, ordinari non potest, *Sanchez, Layman, Bard. d. 6. c. 11. p. 6. §. 2.* Peccat autem tam ordinans quam ordinatus, si definet qualitates & conditions supra requisitæ.

QVÆSTIO singularis est primo, que tractatur fusse apud *Quintan. Tract. 6. Singul. 19. Pag. 152.* An qui à suo Episcopo Ordinario accepit litteras Dimissorias ut à certo Episcopo nominatim expresso Sacros Ordines suscipiat, possit licite illos ab alio Episcopo susciper? Pro parte negativa adducit ille *Thomam Sanchez Tom. 1. Consil. Lib. 7. Cap. 1. Salcedam, ac Rodriguez in Sum. Cap. 14.* Affirmativam tamen ipse cum aliis sive sustiner, si non adfuerit specialis causa cur ordinandus ad hunc potius Episcopum, quam ad alium destinatur, cum veras Dimissorias habuisse supponatur, & possit aliquando presumi destinantis consensus: & hoc posito, nec irregularitatem, nec inde suspensionem incurri: quod fusius deducit idem loco supra citato.

QVÆSTIO singularis secundo: An aliquis ordinari possit Sacerdos, extræ Missionem, sine alio titulo quam deputationis ad certam Missionem.

Respondeo id fieri posse ex designatione eorum, qui facultatem acceperunt illum Titulum quibusdam personis applicandi, quem facultatem per Bullam Pontificiam plerumque habent pro suis Alumnis qui præ sunt Seminaris Missionum.

Quin & ab Episcopo Vicario missionis Hollandiae ordinari posse aliquem sibi nullo modo subditum, solo titulo deputationis ad eam Missionem, docet *Verrijns Tract. 12. Art. 1.* Quia talis deputatio habet rationem Beneficii, non tantum simplicis, sed etiam pastoralis, cum Missionarii soleant habere facultates pastorales.

Pro Missionibus quomodo, & cujus facultate conferri possint Ordines extra tempora, & non servatis interstitiis, & dispensari in ætate jure communi requisita, vide supra hoc Tomo in Mission. Fac. 26. & 27.

§. II. Sin-

de
in

20.
21a

§. I L

Singulorum Ordinum scientia, ritus, Officia, Privilegia, &c.

UT sciant Neomisie quo modo debeant se ad fastos Ordines preparare, & in iis actu suscipiendis se gerere, commodum erit si diligenter advertant sequentia.

I. Quoad Scientiam, constat ex Canonibus, illitteratos non posse promoveri ad Ordines etiam minores. Per Illitteratos autem intelligentes esse linguae latine ignorantes, declaratur ex Tridentino Sess. 23. Cap. 11. ubi flatur, ut, *Minores Ordines iis, qui sicutem latinam linguam intelligent, conferantur.* Quo in genere gravis est intentio Concil. Lateran. Can. 29. Si (Prelati) ignorantes & rudes ordinare presumferint, & Ordinatores & Ordinatus gravi decernimus subjaceret ulti.

In illis tamen qui primos Ordines suscipiunt minimum hujus lingua & doctrinae peritiam quam in progressu requiri colligitur ex ipso Trident. eadem Sess. Cap. 11. Arque ita de gradu in gradum ascendant, ut in eis cum etate vita meritorum & doctrinam agi crescat.

Sed Quesito est, quantum doctrinae menturam debent Episcopi aut Examinateurs exigere ab eis, qui ad maiores Ordines prontoveruntur.

Respondetur; eam mensuram optime determinari ab ipso Trident. Sess. 25. Cap. 12. *Subdiaconi & Diaconi ordinentur habentes bonum testimonium, & in minoribus Ordinibus jam probati, ac litteris, & iis, que ad Ordinem exercendum pertinent, instruti.* Ubi cum Cöcilium tantum requirat scientiam necessariam ad exercitium Ordinis quem actu suscipiunt, non decet Examinateorem ad alia divagari: nam si velint ordinandi per Confessiones aliaque ministeria salutis animarum ulterius vacare, de scientia ad Penitentia tribunal requisita aliud examen in ordine ad Approbationem instituitur, ut fuisus advertit Gaffar Hurrado de Ordin. Dif. 12. alioque.

QVÆSTIO specialis est, An Examinator commitat *Simoniam* si approbet ad Ordines illitteratum, vel alias indignum, pecunia, aut munerum pretio accepto, vel accipiendo?

Responsio affirmativa communis est, si ipsius Examini & suffragii intuitu, non laboris, aut industriae, aut præviae institutionis titulo horum aliquid, & maxime ex aliquo contractu, accipiat. Quia tale examen & suffragium eti per se non sit res facta, est tamen rei Sacrae, scilicet Sacris Ordinibus, annexum. Pro hac resolutione plures juris ac Theologiae Doctores fuisus addicit Anton. Quintan. Tratt. 6. de Ordine, singulari 15. Varios etiam alios ibidem Titulos examinans ex quibus possit Examinatori licita esse aliqua compensatione.

II. Nulli licet ad suscipiendos Ordines accedere, qui sit filius naturalis vel illegitimus sine prævia dispensatione, alias fieret irregularis, Cap. 1. de Fil. Presb. Ad minores autem Ordines dispensat Episcopus, ad Majores solus Pontifex lege ordinari: cum intrante Religionem jus commune ad omnes Ordines dispensat. De hac, & Irregularitatibus ceteris sacros Ordines impeditibus fuisus in §. sequenti.

III. Nullus admittitur ad sacros Ordines qui sit notatus aliquo Crimine notorio depositione digne ante obteatam dispensationem. Peccata autem notoria de-

positione digna habentur in jure Adulterium, perjuri, homicidium, falsum testimonium, quando sunt publica, ut nulla possint tergiversatione celari.

IV. Peccat mortaliter, qui ad Ordines accedit cum conscientia cuiuscumque peccati mortali. Mors proinde est ut premisla Confessione Ordines suscipiunt de manu Episcopi sacram Communionem devotum accipiant. Vide alias conditiones §. superiori expressas quoad ritus & officia singulorum Ordinum.

V. Suscipitur Subdiaconatus hoc modo. Primo amictus capitl ordinanti ab Episcopo imponitur, & manipulus in brachio, & dalmatica induitur. Postea datur illi ab Episcopo liber Epistolarium, dicendo: Accipe librum Epistolarium & habe potestatem eas legendi in Ecclesia Sancta Dei tam pro vivis, quam pro defunctis. In nomine Patris, & Filii, & Spiritus sancti. Huic etiam ab Episcopo datur Calix vacuus, cum patena, & ureolus cum aqua: & bacilecum manutergio ab Archidiacono dicente: Vide ejus ministerium vobis traditur &c.

Officium Subdiaconi est, Calicem & panem ad latere portare, vinum celebranti ministrare, Euangeliū non à pulpito prædicare, ordinandos & baptizandos offere.

VI. Pro Diaconatu, Postquam Episcopus dñs, Accipe Spiritum sanctum ad resistendum diabolo & temptationibus ejus, in nomine Domini: & postquam dedit stolam super humerum sinistrum, porrigit librum Euangeliorum ait, Accipe potestatem legendi Euangeliū in Ecclesia Dei tam pro vivis quam pro defunctis in nomine Domini, Amen. Item Episcopus ponit manum super caput ejus dicens, Emme cum quesumus Domine Spiritum sanctum &c. & patet ei stolam. Cum traditione Euangeliū senior D. Thomas imprimi Characterem.

Officium Diaconi est, pauperum curam gerere, Episcopis & Presbyteris ministrare, Euangeliū predicare, non tamen in loco superiori; item ordinandos & baptizandos offere.

VII. Pro forma Presbyteratus. Postquam Episcopus reflexit stolam ab humero sinistro in dexterum in modum crucis dicendo, Accipe jugum Domini, pugnare enim suave est, & onus ejus leve. Et postquam dedit vestem sacerdotalem, & consecravit manus descendere, Consecrare & sanctificare digneris Domine manus istas per istam Unctionem, & nostram benedictionem, porrigit Calicem cum vino & aqua & patenam cum hostia superposita, dicit, Accipe potestatem offerendi Sacrificium Deo, Missa que celebri tam pro vivis, quam pro defunctis in nomine Domini. Deinde imponendo ambas manus super caput illius dicit, Accipe Spiritum sanctum, quorum remissae peccata remittuntur eis, & quorum remissae remittuntur: Imprimis character in traditione Calicis & patena.

Officium Sacerdotis est docere seu prædicare, solvere & ligare, consecrare & Sacramenta administrare.

VIII. *Episcopus* consecratur cum assistentia trium Episcoporum, vel etiam unius Episcopi cum Pontifice dispensatione, assistentibus duobus Sacerdotibus. Ei constat hanc dispensationem variis fuisse concessam, enim Gregorius XIII. concessit Patriarcha Ethiopia, qui erat Societas Jesu, ut solus sine aliis Episcopis illic Episcopos ordinaret, ut testatur Henriquez L. 10. Summa Cap. 24. Et in Belgio ex concessione in-

nocentii X. anno 1647. Fabius Chisius tunc Nuncius Apostolicus ordinavit Jacobum de la Torre in Archiepiscopum Ephesinum afflentibus loco Episcoporum, duabus personis in dignitate Ecclesiastica constitutis.

QVÆRES, An valida esset talis ordinatio, si contingeret illicite vel ignoranter fieri absque Pontificis dispensatione? Validam fore probabile putat Scidere *de Princip. Conficien. Tract. 2. Num. 118. & Herinx de Sacramen. Ord. Diff. 10. Num. 63.* cum D. Antonino Sylvestro, Averfa, Turcremata, & aliis, qui consenserunt unum Episcopum principaliter totam consecrationem perficere, & alios esse quasi coadjutores. Sed quia plurimi contrarium docent, & in hac materia pro valore Ordinis via tutor sequenda est, Episcopus ordinatus deberet sub conditione rite reordinari, ut censeat ipse Herinx, Scidere, & Averfa.

Porro in Ritu consecrandi Episcopum, ille Episcopus qui Consecrator est, post variis Ritus inungit Christum ambas Electi manus simul junctas primo in modum Crucis, & mox palmas integras dicens, Unigenitum manus istae de Oleo sanctificato, & Christinae sanctificationis &c. Postea benedicit & tradit ei Baculum pastorale cum oratione, Accipe baculum &c. Deinde Annulum beneficium inserit digito annulari manus dextera, dicens, Accipe Annulum fidei scilicet signaculum, quatenus Sponsam Dei sanctam videlicet Ecclesiam interemerat fide ornatus illibate custodias, Amen. Postremo, tradito ei Euangelio dauno recipit Consecratum ad Oculum pacis.

Munus peculiare Episcopi supra Sacerdotem est, quod posuit Clericos ordinare, Virgines benedicere, Ecclesias dedicare, Clericos deponere, Synodos celebrare, Christina confidere, vestes & vasa consecrare, Christate ungere, excommunicare, interdicere, & suspendere a Sacris. Has enim actiones requiri Ordo & gubernatio Ecclesiastice Hierarchiae: quibus dignitas Archiepiscopi & Primatis aliquas prærogativas superaddit, ut est gestatio Pallii & ciborum quibusdam solemnis in Missarum celebracione, quod plenitudinem potestatis significat: prælatio Crucis in locis exemptis sua Provinciae: ceteris Episcopis sua Provinciae praesidere: cognoscere de eorum criminibus, & paenam imponere, licet non possit procedere ad eorum depositionem, hoc enim Pape reservatur, ut in Cap. de Transl. Praefat. &c.

IX Status Clericalis haberet etiam quedam *Privilegia* in jure Canonico sibi annexa, ut quod Clericus sub pena excommunicationis non possit percuti, aut in rebus sua persona adharentibus violari. Habet etiam *privilegium fori*, quod non possit capi & incarcari a Judice seculari, nec possit judicari aut puniri nisi a Judice Ecclesiastico, nisi hic ultro potest civili illum tradat puniendum. Clerici etiam gaudent immunitate a solutione gabellarum aut vexigalam. Quæ tamen non extenduntur ad confitendum in Minoribus tantum, nisi sit in via ad Ordines majores, post Trident. Sess. 23. Cap. 6. Quæ omnia, aliaque plura ubi viget potestas Ecclesiæ sub gravissima observanda sunt. Advertat tamen Clericus, per dimissionem habitus, & enormia flagitia posse agniti *privilegium Clericale*, ex multorum sententia.

X. Clericis etiam Canones interdicunt quedam *Officia, artes, & actiones*, que eorum statum dedecent: ut exercere officium Medici, aut chirurgi ubi

opus est incisione vel adustione: 2. Officium Judicis in causa sanguinis, aut Advocati, Patroni, Tabellionis in placitis secularibus: 3. Portare arma nisi in itinere: 4. Tabernas frequentare: 5. Venationi clamoribus vacare: 6. Exercete mercaturam aut negotiationem per seipsum lucri causa: 7. Ludere aleis nisi recreationis causa, illis autem ludere pro magna quantitate ob lucrum, *Navarus* morale exstimat. Ordines enim Sacri, ut hominem soli Deo consecrant, ita vitam requirent irreprehensibilem, & a seculi moribus longissime segregatum.

§. III.

Enumerantur & explicantur IRREGULARITATES, que etiam Ordinationem impediunt.

I Regularitas est impedimentum Canonicum, susceptionem Ordinum sacerorum, & susceptorum usum impediens. Alia oritur ex delicto, alia ex defectu. Ex illis aliqua irregularitates impediunt ab omni Ordine suscipiendo, & suscepiti exercitio v.g. homicidium, aut bigamia: aliqua non privant omni Ordinis ministerio, sed tantum ab aliquo, vel a solo ascensu ad Ordinem Superiore v.g. Diaconus carens oculo sinistro inhabilis est ad Sacerdotium, exercere tamen ea quæ spectant ad Ordinem Diaconi non prohibetur. Duxi, irregularitatem *impedire* aut inhabilitare ad Ordines facros suscipiendos, etiam primam tonsuram, & ad susceptorum exercitium: non enim actus illos reddit invalidos, sed illicitos, ut si abolivat Sacerdos irregularis, illicite id facit & punitur, non tamen facit invalide, & sic de aliis.

Ut incurritur Irregularitas ex Delicto, requiritur actus externus, & mortalis, & consummatus: quia pena annexa est gravis, ut docet communis. Non potest Confessorius in ipsis irregularitatibus dispensare; nisi ad hoc legitimum privilegium habeat.

Irregularitas ex Delicto, prima est qua incurrit propter Baptismum serio, & scienter iteratum, idque tam respectu rebaptizantis, quam rebaptizati: quamvis in rebaptizante tantum impedit ne Clericus ad altiorem ordinem possit ascendere, nec incurrit si rebaptizatio tantum occulta fuerit, uti cum communi docet Bonacina, Toletus, Covar. Layman Lib. 1. Tract. 5. p. 5. Cap. 2.

Secunda oritur ex violatione Censure; ut si aliquis excommunicatus, vel suspensus actum aliquem Ordinis solemniter exerceat, nisi ignorantia invincibilis excusat, incurrit irregularitatem, quæ fit inhabilis ad istius ordinis exercitum.

Tertia incurrit, ob peccatum quo Clericus serio & scienter solemniter exerceat actum aliquen Ordinis, quem nondum habet.

Quarta contrahitur, ob delictum quo ali q*sacerdotes male suscepit*, ut si ordinatus fuerit in excommunicatione suspensione, vel ab Episcopo non habente jurisdictionem, vel per saltum, ut si fiat Sacerdos non suscepito Diaconatu &c. saltum si ministrum in ordine sic per saltum suscepito: vel si ordinatus fuerit ante legitimam æatem, vel sine litteris dimissori aliibus, vel non examinatus, vel furtive scilicet ab Episcopo nec sciente, nec approbante.

Quinta, Propter *crimina enormia*, si sint notoria, & publica.

publica, quae sunt quæ à jure annexam habent infamiam, ut incestus, adulterium, raptus, & alia re-censita §. superiori, Num. 3.

Sexta irregularitas incurritur, ex injusta *membri mutilatione*, vel *homicidio* etiam indirecè tantum voluntario: & comprehendit omnes qui ad alterutrum iniquè concurrunt sive in bello iusto, sive extra illum, etiam mandando, aut consulendo. Intelligitur autem hic fieri mutilatio quando à corpore separatur membrum aliquod principale, sive cui competit in corpore officium aliquod per se distinctum, ut manus, pes, auris, oculus &c. non autem digritus, dens, labium, aut sola auris cartilago, aut alia quæ tantum ad corporis ornatum deserviunt. Nec incurrit qui alterum mutilat vel occidit ad necessariam, & justam sui defensionem. Quia irregularitas ex delicto non potest contrahi ubi culpa non inter-venit.

Hanc autem irregularitatem contrahit qui procurat in feminis abortum fætus animati: quia verum homicidium committit. C. *majores* 32. q. 2.

Irregularitas ex *Defectu*, incurri potest sine ulla culpa, aut peccato: & ideo non est pena, sed aliqua inhabilitas ad sulcepcionem, vel exercitium Ordinum, propter certos defectus sive animi, sive corporis, etiam naturales & extinsos.

Prima hujusmodi irregularitas oritur, ex *Defectu Animi*, qualem habent sequentes. 1. Amentes, Phrenetici, Arreptiti, & Epileptici: Si tamen hi antea ordinati sunt, & per annum eo morbo non laborarunt, permittitur illis Ordinum exercitium; quia pafumuntur jam liberati: si autem laborent raro fine clamore, & notabiliter indecentia, permittuntur celebrare cum adjutore assistente qui sacrificium supplexat si illi deficiant. 2. C. *Illnd.* 7. q. 1. *Illitterati* Irregulares sunt, qui scilicet carent doctrinâ ad talem ordinem requisitâ. 3. *Neophyti*, sive recenter conversi, donec sint sufficenter instructi ex Episcopi iudicio.

Secunda est, ex *defectu Corporis*, qui reddit inep-tum ad Ordinis exercitium; ut si sit cæcus, surdus, aut claudus, sic ut nequeat sine baculo ad altare accedere. 2. Si etiam careat pollice, indice, aut oculo sinistro, aut vi ejus visiva, opus est dispensatione ut ordinetur: quamvis si oculo dextero possit sine indecentia Canonem legere, id negat *Sayrus*, *Henriquez*, *Valentia* &c. 3. Si adit Deformitas corporis tanta, ut quis nequeat exercere ordinem sine aliorum horrore, offensione, aut scandalo, ut si careat naso, vel auribus, vel sit notabiliter gibbosus, leprosus, aut paraliticus, vel membra aliqua habeat superflua. In dubio ac deformitas sit sufficiens, ad Episcopum pertinet judicare: quamvis quad Regulares censeat Diana Part. 4. *Tractat.* 2. *Resp.* 75. citans *Suarum* & alios 5. id spectare ad eorum Prælatum; quamvis admittant Episcopum ex caula posse Prælati iudicium non admittere.

Tertia ex *defectu Naturalium*: hinc irregulares sunt omnes illegitimi, eo quod ratione originis nimis viles reputantur in ordine ad functiones tam sacras. Legitimi possunt tales jure communî, 1. Per matrimonium sublequens inter eorum parentes, si falso tempore conceptionis poruerint hi validè contrahere. 2. Per professionem in ordine Religioso: quamvis etiam in hoc ut ad dignitates promoveantur

indigeant dispensatione. 3. Per dispensationem Pontificis. Principes autem seculares tantum possunt legitimare in ordine ad officia secularia, & hereditates legitime obtinendas.

Quarta ex *defectu Etatis*: quænam ætas ad singulos ordines requiratur, vide supra §. 1. in fine.

Quinta oritur ex *Bigamia*: quia bigamus carnem suam dividit in plures uxores, ideoque non representat unionem Christi cum Ecclesia. Non sufficit matrimonium ratum cum pluribus, sed debe esse verum & consummatum, vel certè presumptum, quale censeretur esse eti secundum matrimonium suffit invalidum. Hanc irregularitatem etiam incunum, qui viduam non virginem ducit, & cognoscit. Quidam uxorem prius ab alio corruptam, etiam per fornicationem, & eam cognoscit: non tamen qui ducit à se prius corruptam. Qui etiam cognoscit propriam uxorem, postquam ab alio per adulterium cognita fuit. Qui matrimonium contrahit & consummat etiam cum virgine post solenne votum cœtatis: quia quamvis invalide contrahat, cœterum ex interpretatione juris duo matrimonia consumisse, unum spirituale cum Christo, alterum carne cum muliere. Itajura, & DD. communiter.

Sexta est ex *Infamia*, sive juris, sive facti, modi crimen publicum sit: quamvis si sit homicidium, vel censuræ violatio etiam occultum sufficiat: uno consentient nonnulli cum *Suare*, & *Sylvestro* sufficere crimen esse occultum, quando infamiam ipso jure annuit habet. Infamia de qua hic, potest etiam omni ex delicto parentum, & inde ex vilitate personæ, quam sacrâ tractandis arceri decurit.

Septima, ex *defectu Libertatis*. Hinc irregularis sunt primò, omnes Servi propriè dicti, non a qui nunc passim aliis deseruntur. 2. Conjugati hic cœntur non liberi, nisi uxores consentiant, & ipsa statim voleant. 3. Curiales, ut sunt judices, advocates, & similes, non cœntur liberi, dum talia officia secularia actu habent, nisi fiat cum speciale dispensatione Pontificis, quæ in causis criminalibus conceditur: vel ex coniugitudine à Pontifice permitta. 4. Idem est de Militibus, Thesaurariis, Depositariis publicis, & qui Rempub. administrant. Item de hospitalibus, & aliis qui crudelia officia exercuerunt, vel in causa sanguinis administrati fuerunt, quos simul facios ordines inhabiles declarant.

Octava oritur ex *defectu Lenitatis*: eti si incapabilis, ut ex homicidio in bello iusto, vel in iudicio, velex hominis mutilatione etiam justa. Quia *Sacerdos*, qui gerit personam Christi, debet ipsi in lenitate non esse deformis. Non sit tamen irregularis qui occidit vel mutilat in defensione inculpatus, quia iura loquuntur de bello iusto, vel iudicio. Eius iudicio quidem justo irregularis fit *Judex* ferens sententiam. Notarius eam scribens, ministri exceptantes, testes, & alii qui ad mortem vel mutilationem cooperantur activè, efficaciter, & proxime per actionem ex natura sua ad ea ordinatam. Talis non cœntur actio *Confessarii*, qui interrogatus de Reo, an mortem mereatur, responderet. JUDICI non habendum respectum personarum, sed circa illum sumere fungi debere: quia hoc non potest præbere causam mortis nisi valde remotam. Irregularis autem esset *Confessarius*, qui lixorem urget ad mortem reo accelerandam: vel qui ipsum reum impelle-

ret ut scalas ascenderet, vel caput securi praberet, ex sententia communi: ac proinde hic cautela opus est. Quamvis non defint Autores qui censeant, neminem ex homicidio fieri irregularem, nisi ad illud concurredat tanquam publicus iustitiae minister, vel ad causam probationem, vel ad executionem, vel tanquam privatus iustitiae, & cum delicto: ita Suarez, Reginaldus, Layman, aliquis, contra Vespuccii, Hurtadum, Turturianum, &c. quam sententiam probabilem indicat Diana Part. 3. Tract. 4. Refol. 70. & alibi.

Dispensare in Irregularitatibus sive ad Ordines, siue ad alia, ad Pontificem praecipue pertinet: in quibusdam etiam dispensare potest Episcopus, praesertim in illis que proveniunt ex delicto occulto, praterquam ex homicidio voluntario, & aliis deductus ad forum contentus. Dispensare idem potest quando non datur recursus ad sacram Sedem, juxta Itarum Ecclesie, & praesertim Tridentini Sessione 24. de Reform. Cap. 6. cuius verba citavi supra Part. I. I. Tract. 2. §. 4. in fine.

Prædictæ irregularitates quia multiplices sunt, memoria causa valde commodè ad sequentes hos versiculos reducuntur: Quid in iis singula verba denotent, expiori singulari irregularitatibus expositione colligitur: ubi *infirmus* denotat morbos corporis irregularitatis obnoxios: *demens*, amentiam, phrenesim, & defectus animi: *viciarius*, vitium membrorum: *nevus*, neophyrum sive recenter conversum: *ignarus*, illiteratum, *obsticatus*, defectum libertatis in obstrictis officiis seculari: reliqua facile patent ut sequuntur.

Infirmus, demens, Viciarius, Fæmina, Servus, Infans, Novus, Ignarus, Baptismate peccans, Ordineve, Occidens, Mutilans, Bigamusque, Nothusque, Heretis, Obstriclus, Pauper, Puer, Exulat aris.

CAPUT VIII.

De Matrimonio.

§. I.

De Sponsalibus.

I. Sponfalia sunt, promissio deliberata, & mutua, signo sensibili expresa, futuri Matrimonii, inter personas jure habiles. Hinc ad sponfalia non sufficit dicere, *Volo te accipere in uxorem*, quia non est promissio, sed propositum. Neque valida sunt contracta ante septennium, quia non presumitur promissio illa deliberata esse. Quod si major septennio contrahat cum parte, qua est infra septennium, teneatur ille quidem, non jure sponfalia, sed promissionis.

II. Neque subsistunt sponfalia inita per vim, dolum, error, vel ignorantiam circa substantiam, aut conditionem substantialem si sit notabilis, uti de voto, & aliis contractibus dici solet.

III. Ad sponfalia requiritur utrinque partis promissio, sic ut non coalescant etiam una pars promittat, & altera acceptet, nisi haec simil promittat, aut se obligare intendat. Quia requiritur promissio mutua & reciproca, nam sine hac promissione reciproca, contractus sponfalia in jure dicitur claudicare.

IV. Si Pater, vel Mater pro filio aut filia, aut Curator pro eo, cuius curam habet presente vel non R. P. Arsdek. Tom. II.

contradicente (dummodo metus absit) sponsalia contrahat, valida erunt. Quia in hoc calu jus accipit taciturnitatem pro expressione consensus. Sanchez, Lib. 1. d. 22. Diana, Part. 3. Tract. 4. Refol. 270. Imò etiam contra haec pro absente, si is resciens id copreside vel tacite signo aliquo sufficienti ratificet. Sanchez, Pontif. Diana, Part. 3. Tract. 4. Refol. 271.

V. Quando verbis vel signa sunt dubia, in foro conscientie standum est intentioni contrahentium, si de illa constet: in externo autem communis intelligentiae, & sensui verborum; ita tamen, ut portius inclinetur in favorem Matrimonii. Diana Part. 3. Tract. 4. Refol. 272. Bonacina q. 1. p. 1. aliquie.

VI. Et si utraque pars dicat, *non ducam aliam quam te, non fiunt sponsalia*. Quia illa verba sunt vera etiam pars maneret in celibatu.

VII. Denique per munera reciprocè missa non censur contrahit sponsalia. Si tamen Titius misit Caja annulum cum promissione Matrimonii, & illa promissione hanc intelligens dixit, *recipio*, valida sunt sponsalia. Quia illa ligna externa mutuum contractum, & promissione sufficenter indicant. Fillius, Layman, Lib. 5. Tract. 20. Cap. 2.

VIII. Ex sponsalibus validè contractis resultant haec obligaciones. I. Tenetur sub peccato mortali una pars inire Matrimonium, quando ab altera requiretur, nisi certerus terminus praefixus fuerit: hoc enim omni contractui commune est. Sanchez, Coninck, Diana Part. 3. Cap. 4. Refol. 245. Secundò, qui post sponsalia regulariter promissum Matrimonium contrahere, cogi potest à Judge, etiam per censuras. Notant autem plurimi quod illa coactio raro feliciter succedit.

IX. Si quis promisit animo simulato alteram ducere, per se loquendo ad nuptias non obligatur, datum tamen inde exortum compensare debet. Si autem data promissione puellam ad copulam induixerit, eam ducere tenetur. Nisi tamen illa esset longè inferioris conditionis, v. g. vir esset nobilis, illa agricultus filia, tunc enim illam dotando satisfaciet. Quod si illa conscientia sua disparitatis in copulam conferit, etiam ad dorem jus amittit: quia censetur ipsa ultrò decipi voluisse. Vespuccii, Sanchez, Bonacina, Lessius, Layman, hic cap. 1. Num. 10.

X. Sponfalia posteriora contrariorem fidem inita, tametsi jurata sint, aut copula etiam accesserit, sunt invalida. Sanchez, & Villalob. Contrarium tenet Pontif. Coninck cum Diana Part. 3. Tract. 4. Refol. 210. Matrimonium tamen post sponsalia contractum cum altera est validum, licet in iustum, Bonacina, Part. 5. & 7. Layman Cap. 1. n. 5.

XI. Ubi Tridentinum non est receptum, sponsalia iure antiquo transeunt in Matrimonium per quævis signa externa maritali affectu exhibita, v. g. per copulam. Ubi vero Trident. receptum est, haec signa non teneant si sint clandestina fine parocho & testibus.

XII. Dissolvuntur autem sponsalia, I. per Matrimonium validum cum altera initum, ut supra diximus.

II. Per mutuam renissionem prioris promissionis.

III. Per impedimentum dirimens Matrimonium postea supervenientem.

IV. Per enorme crimen unius partis solvuntur sponsalia ex parte innocentis. Tale crimen est heresis, homicidium, furtum grave, fornicatio, & haec quidem etiam ante sponsalia ex parte sponsa commissa. Si fuerit à Sponso ignorata. Indò si Sponsa liberè patiatur

Cc ab